

三才圖會

雲間元翰父王圻編集

男思義校正

人物八卷

耶律楚材像

伯顏像

劉秉忠像

許謙像

姚樞像

程文海像

廉希憲像

吳澄像

趙孟頫像

虞集像

徐中山像

常開平像

李岐陽像

鄧武順像

湯襄武像

沐昭靖像

胡武莊像

徐太傅像

劉文成像

宋文惠像

陶主敬像

章三益像  
全思誠像

王忠文像

宋文恪像

朱文恪像

方希直像

陳恭襄像

蹇忠定像

方忠靖像

黃忠宣像

張忠烈像

胡若思像

顧介肅像

楊文貞像

楊文敏像

楊文定像

周文襄像

李文毅像

劉忠愍像

陳文定像

吳文恪像

山襄毅像

王文端像

魯希文像

楊武襄像

劉嘉秀像

三才圖會  
卷之八  
軒左都像

年恭定像

魏文靖像

耶律晉卿像



耶律楚材字晉卿遼東州王突欲八世孫元太祖聞其名召見之拜中書令太宗時諸王大集帝親執觴賜楚材曰朕推誠任卿先帝之命也非卿則中原無今日西域諸國及高麗宋使來朝帝指楚材曰汝國有此人乎皆謝曰無台神人也

伯宗道像





伯顏一名師聖字宗道蒙古人居開州濮陽縣少穎悟過人弱冠卽以斯文爲已任至正四年以隱士徵授翰林待制十八年河南賊蔓延河北伯顏與賊遇誘以富貴顏終不屈引頸受刃與妻子俱死年六十有四有司上其事謚文節

劉仲晦像



劉秉忠字仲晦初名侃因從釋又名子聰拜官後始更  
今名至元元年拜光祿大夫太保叅預中書省事十一年  
扈從至上都築居南屏山自號藏春散人無疾而卒年五  
十九贈太傅封趙國公謚文貞成宗時贈太師改謚文正  
仁宗時又進封常山王

許 魯 齋 像



許謙字益之金華人肆力於學受業金履祥之門讀四書  
集註有叢說二十卷讀詩集傳有名物鈔八卷讀書集傳  
有叢說六卷他若天文地理典章制度食貨刑法字學音  
韻醫經術數之說靡不該貫世稱爲白雲先生

姚文獻像



姚文獻名樞字公茂柳城人復遷洛陽少力學有王佐畧  
元太宗詔從楊惟中南伐拔德安得程頤朱熹之書賜金  
符爲燕京行臺郎中棄官携家至輝州錄程朱所註書以  
歸世祖召至待以客禮首陳八目三十條皆帝王治平之  
道

程 鉅 夫 像





程文海字鉅夫別號雪樓自徽徙郢後家建昌以父飛卿仕宋爲建昌通判也世祖時父以城降文海入爲質子授管軍千戶世祖奇其相貌改應奉翰林文學屢遷集賢直學士兼秘書少監泰定中贈太司徒柱國追封楚國公謚文憲

嚴 善 甫 像



廉希憲字善甫布魯海牙子也幼魁偉舉止異凡兒年十  
九入侍世祖恩寵殊絕一日方讀孟子聞召急懷以進世  
祖目之曰廉孟子大德八年贈忠清粹德功臣太傅儀同  
三司魏國公謚文正加贈太師上柱國恒陽王

吳 幼 清 像



吳澄字幼清撫州崇仁人少穎悟旣長習通經史用力聖  
賢之學至元盜起樂安鄭松招居布水谷著孝經章句校  
定易書詩春秋儀禮及大小戴記卒年八十五贈江西行  
省左丞上護軍追封臨川郡公謚文正

趙孟頫像



趙松雪名孟頫字子昂別號松雪道人宋太祖秦王德芳  
之後除集賢侍講學士尋陞翰林學士承旨榮祿大夫至  
治元年卒年六十九追封魏國公謚文敏史官楊載稱孟  
頫之才頗爲書畫所掩知其書畫者不知其文章知其文  
章者不知其經濟之學人以爲知言

虞伯生像





虞集字伯生，長沙人。宋丞相允文五世孫。學有源委，初以大臣薦授儒學教授。除國子助教，卽以師道自任，折節下士，不附權倖。家苦貧乏，然碑板之文未嘗苟與弟槃同。關書舍爲二室，左書淵明詩於壁，題曰陶庵；右書堯夫詩曰邵庵。故學者稱爲邵庵先生。

元名臣

耶律楚材

字詳圖

楊惟中

從皇子伐宋得名士圖書送燕都立周廉溪祠建太極書院延

儒士授經俾通聖賢之道慨然

趙復

字仁甫元兵伐宋

以道自任化成天下相業恢弘得復於俘藉奇其材復夜逸求死樞挽之北行錄其所

李俊民

用章金進士官翰林應奉得程朱之學金亡

生自謂不及憲宗以安車徵之虛心訪問告老而歸謚莊靜先生

安童

太華黎四世孫十

誅阿里不歌之黨千人安童曰大難甫定挾私殺人何以懷附帝深重之為右丞相召許衡為左丞輔之後從

北平王鎮北邊十年歸復相位立尚書省安童諫曰臣力不能回天乞不用桑哥別用賢相入聽卒封東平忠

憲廉希憲

事詳圖

史天澤

繼兄天倪職為萬戶多戰功世祖召問治道言當省部設監司

退食殘頰俸錄為右丞相李璣叛濟南天澤以計生擒  
璣斬之詔從伯顏伐宋以疾免奏勿殺掠謙和不伐臨  
筭論事毅然不回讀書通大義史鑑尤精為  
將相五十年上不疑下無怨人子皆顯官

**董文炳**

伯

顏伐宋駐鎮江與張世傑戰宋兵敗世傑走海中文炳  
趨臨安會伯顏二王南走宋王遂降伯顏師事委文  
炳謂學士李槃曰國可滅宜收史籍乃收宋史諸  
注記歸國史院拜中書右丞謚忠獻子士元士選

**姚樞**

事詳

**竇默**

字子聲與姚樞許衡講性理之學世祖問治  
道以三綱五常對性樂易平居不慳議人品

溫然儒素論國計面折廷爭

**劉秉忠**

事詳

**劉因**

天資絕人讀書

過目成誦性不苟合不妄交家甚貧非義一介不  
取徵為贊善大夫阻集賢學上封容城文靖公

**郝經**

字伯常為翰林學士為人尚氣節為學思致用撰續  
漢書易春秋外傳其文豐蔚豪宕善議論詩多奇崛

**喇哈孫**

幹刺納兒氏為人威重不妄言笑善騎射工國  
書重儒術以勸臣後掌宿衛拜大宗正用法平

允為湖廣平章討平羣盜為左丞相斥言利之徒以節

用愛民為務大事引儒臣議奏建孔子廟學選名儒為

學官定南郊禮左丞劉深征八百媳婦無功奏正其罪

言治道必先守令定賊罪十二章武宗立安西王誅皆

藉其謀以饒程鉅夫事詳趙孟頫事詳姚燧少從游於

能相鎮北邊程鉅夫圖趙孟頫圖姚燧許衡累官

江西憲使陞叅政擢翰林承旨學以真知實踐為事文

閎肆該洽豪而不宕剛而不厲春容盛大西漢風名

臣勛蹟皆遜所書高麗王求燧詩文贈金王幣帛名畫

燧以分故屬官以金銀付翰林為器皿器識豪邁如此

有牧張養浩有行義勤學業拜御史上疏萬言言皆切

庵集張養浩直遷禮部侍郎知貢舉陞陝西侍御史改

禮部尚書未六十致仕作廟堂風虞集事詳歐陽玄字

憲牧民三事忠告封幽文忠公虞集圖歐陽玄原

功官至翰林承旨湖廣右丞性度雍容含弘鎮密處已

儉約居官廉平三任成均兩為祭酒六入翰林三拜承

旨修實錄大典三史皆大制作兩知貢舉制誥多揭傒

出其手文章道德卓然名世號圭齋封楚國文公揭傒

斯

字曼碩少貧讀書刻苦三人翰林朝廷之事臺閣之

義靡不開習平生清儉至老不易文章叙事嚴整語

簡而當詩清婉麗密與虞伯生楊仲弘余闕字廷心唐

范梈齊名朝廷制作多出其手謚文安余闕元人元統

初進士及第盜起河南開分兵守安慶屯田戰守表裏

完固屹為江淮一保障陳友諒搗城群盜四面蟻集闕

自以孤軍血戰城陷自刎妻杜本字伯原博學善屬文

列卜氏及子女皆赴井死寡欲與人交尤篤於義有貧無以養親無資以為學者

皆濟之平居書冊未嘗釋手天文地理律曆度數靡不

通究尤工

伯顏

事詳

許魯齋

事詳

吳澄

事詳

於篆隸

皇明名臣像上

魏國

公中

山徐

武寧

王達



公諱達直隸鳳陽人元勲之首南收吳越北定中原  
東平齊魯西入關陝剪除羣雄雪耻千古封姑蘇之  
府庫置胡宮之美人 國初封魏國公卒年五十四  
追封中山王謚武寧配享 廟庭

鄂國公開平常忠武王

三才圖會

人物八卷

十四





公諱遇春直隸懷遠人 國初封鄂國公長林偉貌  
猛如彪虎忠精貫天百戰百捷義旗所指山嶽竦動  
翊運之勲靖遠之威震今而耀古卒年四十三追封  
開平王謚忠武配享 廟庭

曹國公岐陽李武靖王文忠



公諱文忠字思本直隸盱眙人 國初封曹國公器

量沉閎人莫能測臨陣蹈厲奮發遇敵膽氣益壯勲  
戚之胄一世人豪淹貫六籍宣威萬里卒年四十六  
追封岐陽王謚武靖配享 廟庭

衛國公寧河鄧武順王



公諱愈直隸虹縣人 國初封衛國公器宇宏偉而  
剛毅簡重謙恭慎密而奉公守法遇敵而不懼有功  
而不矜又能禮賢下士寬惠愛人卒年四十一追封  
寧河王謚武順配享 廟庭

信國公東甌襄武王和



公諱和字鼎臣直隸鳳陽人

國初封信國公剛毅

質直勇而善斷臨敵果敢堅忍未嘗挫衄從下汪東  
奄舉甌越摧強撫順用兵如神卒年七十追封東甌  
王謚襄武配享 廟庭

西平侯黔寧沐昭靖王





公諱英字文英直隸定遠人洪武初封西平侯天資  
忠孝厚重簡默早育潛官知勇自奮戰守方隅聞  
寄攸崇開府西南世封茅土卒年四十八追封黔寧  
王謚昭靖配享廟庭

越國胡武莊公



公諱大海字通甫直隸虹縣人 國初仕行省叅知  
政事處心以仁蒞事以威惟其仁故不言而民化惟  
其威故不待刑而民不敢犯勁氣橫空萬夫之雄卒  
封越國公諡武莊配享 廟庭

太子  
太傅  
嗣魏  
國公  
徐輝  
祖



徐輝祖中山王長子襲魏國爵靖難兵至江上同開  
國公常昇分道禦戰成祖入金川門群臣勸進輝  
祖獨不屈召問亦不應下吏令自招罪操筆惟書  
其父開國公及恭詞子孫得免死成祖大怒削爵  
秩詔下獄卒永樂二十二年襲迄今不絕

誠 意 伯 劉 公



公諱基字伯溫浙江青田人元進士棄官歸隱國  
初仕至御史中丞剛毅慷慨有大節富文學殫其智  
慧上讚廟謨曾不十年濟一統之功傑然為開國  
宗臣封誠意伯卒年六十五

翰林學士承旨宋公





公諱濂字景濂浙江浦江人元爲編脩官博極羣書  
造詣精到視近甚明一黍上能作十餘字而其德容  
之粹文名之高學問之長外夷咸知功在萬世 國  
初仕至學士卒年七十三

參知政事陶公



公諱安字主敬直隸當塗人元書院山長國初仕  
行省叅知政事外癯而內實沉涵道藝以千載自期  
精于易筮其驗如神文章自成一家論理叙事純正  
疏暢而步驟不凡卒年五十七

御史中丞章公



公諱溢字三益浙江龍泉人洪武初仕御史中丞從事於正心脩身之學狀貌宏偉器局夷曠而撫世酬物一本於誠紫眼有稜足以洞視千古長髯如戟足以畏龍首壬卒年五十六

大 學 士 全 公



三才圖會

人物八卷

又苗

全思誠字希賢松江上海人博學能詩文爲元末老  
儒 國朝洪武初行薦舉之法郡縣以名聞召爲文  
華殿大學士兼左中允參侍顧聞尋以疾辭 勅賜  
致仕有懷材抱德有志古人之衰鄉里以爲榮遇

翰林待制王忠文公





公諱禕字子充浙江義烏人 國初仕翰林待制長  
身山立經史百氏皆究其極爲文自成一家東里嘗  
評之曰才思之雄景濂不如公奉詔下雲南不屈死  
節年五十二贈學士謚忠文

國子祭酒宋公



公諱訥字仲敏直隸滑縣人元進士知縣國初仕  
至祭酒濡染家教動以矩矱橫經發難擊節廊塞雅  
性遲重不妄言笑而文思甚敏百僚讓德六館蜚聲  
嚴而有愛樂育英才卒年八十

文淵閣大學士朱公



公諱善字備萬江西豐城人少聰穎不好弄讀書十  
歲作文通四書五經大義奉繼母克盡孝道著書立  
言慨然以聖賢道學之傳爲已任 國初仕至文淵

閣太學士卒年七十二

方 希 直 像



方孝孺台州寧海人聰穎絕倫尤善屬文洪武壬戌以吳  
沈薦召至京上見其舉動端整謂太子曰此佳士也

當老其材以輔汝乃除爲漢中府學

教授

建文帝卽位召

爲翰林院直文淵閣三十五年六月靖難兵至建文君

遜位

成祖卽位

召之三

詔而後來以衰絰見

成祖曰

汝不屈我乎孝孺曰死卽死耳何肯爲汝屈

成祖大怒

命割其舌孝孺大罵

成祖怒甚繫之獄竟族誅宗族

坐死者八百四十七人母族林彥清妻族鄭原吉門生

鏞林嘉獻皆坐誅

平江伯陳恭襄公





公諱瑄字彥純直隸合肥人歷仕洪武宣德間封平  
江伯有明敏之識幹濟之才善於任使秋毫無取於  
下遭遇 聖明功臣漕運秩祀侯封令名永世卒年  
六十九追封平江侯謚恭襄

少師蹇忠定公



公諱義字宜之四川巴縣人進士歷仕洪武宣德間  
深沉質實和厚簡靜有孝友之行事君之誠平生無  
一日顛躓之憂貴而能謙富而能約位至少師卒年  
七十三贈太師謚忠定

少係夏忠靖公



公諱原吉字維詰湖廣湘陰人鄉貢士歷仕洪武宣  
德間天性孝友與人交久而敬襟宇弘深不見涯涘  
臨政必酌大體其典宥寮人多陰受其德位至少保  
卒年六十五贈太師謚忠靖

少保黃忠宣公



公諱福字如錫山東昌邑人鄉貢士歷仕洪武正統  
間自小官至一品始終以國家生民爲心斥奸闢  
諛無所顧忌立心行事以不昧天理爲主官至少保  
卒年七十八贈太保謚忠宣

英 國 公 定 興 張 忠 烈 王





公諱輔字文弼河南祥符人歷仕洪武正統間器宇  
雄壯顧盼有威一平交趾三縛渠魁易草莽爲桑麻  
變雕題爲華夏美哉大勲名昭罔極封英國公卒年  
七十二追封定興王謚忠烈

國子祭酒胡公



三ノ 隱  
公諱儼字若思江西南昌人鄉貢士歷仕洪武永樂  
間博極羣書淹貫義理天文地理律曆醫卜皆通其  
說自處甚淡薄德望之隆 國恩之厚天下殊少官  
至太子賓客卒年八十七

左都御史顧公



公諱佐河南太康人進士歷仕洪武宣德間賦性莊  
重聲望偉然未嘗毀譽人尹正天府明察如神澣中  
執法宿弊清革雖遭時得君之盛要亦有嚮伏彈  
壓之實官至左都御史

少師楊文貞公



公諱寓字士奇以字行江西廬陵人處心正論事嚴  
常扶君子而抑小人匡輔四聖始終恩寵秉謙  
執虛未嘗自滿有文有行有謀有功師垣眉壽一代  
儒宗官至少師卒年八十謚文貞

少師楊文敏公





公諱榮字勉仁福建建安人進士歷仕洪武正統間  
闡疏果敏正直劄決天質明爽有果斷之才運籌帷  
幄折衝樽俎雖極貴極盛而絕無崖岸位至少師卒  
年七十贈太師謚文敏

少保楊文定公



公諱溥字弘濟湖廣石首人進士歷仕洪武正統間  
謙恭小心接吏卒亦不敢慢好學不倦保泰以貞愆  
艾以咎處困而亨二十餘年世稱為太平宰相位至  
少保卒年七十五謚文定

工部尚書周文襄公



公諱忱字恂如江西吉水人進士歷仕永樂宣德間  
謙恭慎密不立崖岸在南畿廿餘年兩遭喪皆起復  
視事德政及民百世瞻仰學博而邃禮和而恭官至  
工部尚書卒年七十三謚文襄

國子祭酒李文毅公



公諱懋字時勉以字行江西安福人進士歷仕永樂  
正統間負大志有奇節動於學問窮性命道德之奧  
奮激忠謹動天地而感鬼神危言遂行歷仕四朝  
官至祭酒卒年七十七謚文毅

翰林侍講劉忠愍公





公諱球字求樂江西安福人進士歷仕永樂正統間  
賦性寬厚議論慷慨沉思力學好義勇行以直言忤  
權奸死錦衣衛獄雖販夫孺子亦皆知公之烈官至  
侍講卒年五十二贈學士謚忠愍

國子祭酒陳公



公諱敬宗字光世浙江慈谿人進士歷仕永樂天順  
間美鬚髯善議論容儀端整步履有則矜莊好禮久  
居太學力以師道自任行方而嚴學優而粹爲當世  
所重官至祭酒卒年八十三

右都御史吳文恪公



公諱訥字敏德直隸常熟人由薦舉歷仕永樂天順間古貌古心學窺性理持敬慎之心秉廉直之節才識議論博達今古兼精醫術聲聞天下官至右副都御史卒年八十六謚文恪

都督懷遠山裴毅公



公諱雲直隸徐州人歷仕永樂正統間深沉有將畧  
用兵如神而其廉其正文臣中比肩者亦不多見其  
馭土官一以威嚴而秋毫無犯官至都督同知卒年  
六十四贈懷遠伯謚襄毅

少傅王文端公





公諱直字行儉江西泰和人進士歷仕永樂景泰間  
方面脩髯器宇宏偉天性嚴重寡言笑居家儼然及  
至接人和氣可掬學富才敏詩文精緻位至少傳卒  
年八十四贈太保謚文端

右僉都御史魯公



三才圖會

人物八卷

四六

公諱穆字希文浙江天台人進士歷仕永樂正統間  
方正清慎內恕外嚴寡嗜慾薄滋味敷歷中外三十  
餘年被服如寒士剛介之操凜如一日天下高之官  
至右僉都御史卒年五十七

昌平侯國楊武襄公



公諱洪陝西漢中人歷仕永樂景泰間封昌平侯發  
身行伍生長在邊有機變用詭道累立邊功所向克  
敵紀律甚嚴士卒用命虜人畏之而不敢犯呼之為  
楊王卒封穎國公謚武襄

南雄知府劉公



公諱實字嘉秀江西安福人進士歷仕宣德天順間躬過人之操履立絕俗之儀矩利誘之而不回勢惕之而不沮丁母憂廬墓蔬食以終喪仕宦不携妻子終南雄知府卒年六十六

左都御史軒公





公諱輓河南鹿邑人進士歷仕永樂天順間持已甚  
嚴遇人無問賢否悉峻拒之不與接平生俊偉之行  
惟恃公牘之存其冰蘖之操儉約之名剛毅之節人  
不能及官至刑部尚書

戶部尚書年恭定公



公諱富字大有直隸懷遠人鄉貢士歷仕永樂天順  
間深沉剛正言不輕發廉靜寡慾遇事敢為居官志  
懋夙夜不懈而其氣節才識世不易得官至戶部尚  
書卒年七十謚恭定

吏部尚書魏文靖公



公諱驥字仲房浙江蕭山人鄉貢士歷仕永樂景泰間端厚祗慎簡約廉勤盛德雅望為時達尊謙虛守禮嗜學不厭雅好吟詠臞然若不勝衣官至南京吏部尚書卒年九十八謚文靖

三才圖會

雲間元翰父王圻編集

男思義校正

人物又八卷

耿清惠像

王忠肅像

李文達像

劉文安像

于肅愍像

薛文清像

戴廷珍像

王莊毅像

馬端肅像

劉忠宣像

劉文靖像

鍾恭愍像

葉文莊像

林恭肅像

陳恭愍像

羅文毅像

楊文懿像

楊承芳像

吳子傳像

李文正像

楊文忠像

許襄毅像

吳文定像

王海日像

費文憲像

王新建像

文衡山像

徐文貞像

海忠介像

道統總圖

傳經圖



皇明名臣像下

刑部尚書耿清惠公



公諱九疇字禹範河南盧氏人進士歷仕宣德天順間清正劄介摧奸以直結主以廉凡論事是非確然不撓與衆寡合於邪正之辯尤嚴官至南京刑部尚書卒年六十五謚清惠

吏部尚書王忠肅公



公諱翺字九臯直隸益山人進士歷仕永樂成化間  
端方強毅清白儉約立心制行循禮守法一毫不苟  
且風采凜然玉潔不污金真不煅官至太子太保吏  
部尚書卒年八十四謚忠肅

少保李文達公



三才圖會

人物又八卷

三

公諱賢字原德河南鄧州人進士歷仕宣德成化間  
體貌明粹踐履真純留心河洛好學不厭孝友忠信  
謙恭嚴密得時行志自三楊後莫能及之官至少保  
卒年五十九贈太師謚文達

禮部左侍郎劉文安公



公諱定之字主靜江西永新人進士歷仕正統成化  
間襟懷坦夷操履謙謹居官論事根據義理詞鋒峭  
厲雖勇者有弗能及官至禮部左侍郎卒年六十一  
贈禮部尚書謚文安



于忠肅公像



于謙字廷益錢塘人永樂十九年進士十四年秋也先入  
寇上欲親征公與兵部尚書鄺埜力言不可不聽師駐  
狼山 上北狩京師大震 章后立郕王監國明年改元  
景泰也先擁衆至城下索金帛萬萬計公曰本兵知有軍  
事他非所聞也先始悔遣使請奉 上皇還 上皇居南  
宮三年出南內復位石亨以奪門爲功誣公意欲金符迎  
立外藩都御史蕭維禎又恨公每抑已故攘臂欲殺之遂  
坐謀反族誅時年六十藉其家公死之日天日驟變陰霾  
蔽空恩功悼枉四海一辭弘治三年特贈太傅謚肅愍

薛文清像



薛文清名瑄字德溫山西河津人年十二善詩賦庚子鄉試第一辛丑登進士擢御史遷山東提學諸生呼爲薛夫  
正統時王振當國同官皆跪瑄獨正立振銜之誣瑄故  
出入人罪當死瑄子五人伏闕爭代大臣亦申救之得免  
歸景泰初陞南京理卿天順遷禮部侍郎入內閣見石亨  
作威福引疾致仕年七十三從祀廟廷

戴廷珍像



戴恭簡名珊字廷珍江西浮梁人天順甲申進士授御史  
督學南畿品藻精明所最器者王守溪公也遷陝西副使  
仍督學政歷陞副都御史撫治鄖陽平蜀寇野王剛進左  
僉都御史掌京攷者一外攷者二黜陟惟允

兵部尚書王公



公諱竑字公度陝西河州人進士歷仕正統成化間  
聰明機辯過人百千等而賦性正直剛毅無絲毫詭  
隨人意立朝侃侃無所顧忌手擊奸黨以死忠直之  
名聞于天下官至兵部尚書



馬端肅公像



馬文升字負圖鈞州人景泰二年進士四年以右副都御史巡撫陝西公三至遼東皆樹奇績東人至今思之未幾陞兵部尚書弘治元年拜吏部尚書考察無異議加少師兼太子太師正德元年致仕去逆瑾恨公除名瑾誅復官卒年八十五贈太傅謚端肅立朝五十餘年以身殉國不避險凡有大議衆莫敢決公至一言而定性介特寡言笑不尚華侈舉止嚴重脩髯偉貌望之知爲異人

劉忠宣公大夏像



劉大夏天順八年進士弘治六年河決張秋擢右副都御史治河公上議曰河性湍悍張秋乃下流喉襟未可輒治於上流分道南行遂疏孫家渡更築長堤三百六十里五旬而事竣十年虜入塞公以戶部侍郎出經畫公至邊得其要領揭榜通衢云凡境內官員客商家願輸者米日十石上草自百束上聽卽中貴子弟不禁也不兩月積蓄有餘十五年陞兵部尚書正德初以太子太保致仕二年劉瑾專政矯制逮公詔獄戍肅州五年赦歸田瑾誅復公官致仕卒年八十一謚忠宣

劉文靖公健像



劉健字希賢洛陽人天順四年進士由編修歷諭德庶子  
少詹事 泰陵卽位陞禮部侍郎兼學士入內閣四年進  
尚書文淵大學士在翰林讀書寡交及入閣益鍊習國憲  
尋進 太子太保武英殿時 上方勵精召公及李謝  
至文華殿平臺煖閣議大政公確直見事稍遲李敏達謝  
方質三人同心輔政故時人語曰李公謀劉公斷謝公尤  
侃侃云

監察御史鍾恭愍公



三才圖會 卷八 十一  
公諱同字世京江西永豐人進士歷仕景泰間奉庭  
訓踐孝友官至御史風采壁立遇事敢言忠誠義氣  
貫于金石以直諫死於錦衣獄年三十二天順初追  
贈大理寺左丞謚恭愍



吏部右侍郎葉文莊公



公諱盛字與中直隸崑山人進士歷仕正統成化間  
溫雅簡重崇道誼尚名節言動思效古人居家孝友  
蒞官清慎博學宏詞忠言遠識綽有古君子風官至  
吏部侍郎卒年五十五謚文莊

刑部右侍郎林公



公諱鶚字一鶚浙江太平人進士歷仕景泰成化間  
奉身儉薄言語甚簡好古書善楷字待下過嚴而於  
交游不苟合事毋極盡其孝敬世稱為篤行君子官  
至刑部右侍郎卒年五十四

廣東左布政使陳公



公諱選字士賢浙江臨海人進士歷仕天順成化間  
沉静端慤不妄言笑崇儉約振風裁名滿天下士大  
夫無問識不識論一時正人必僉曰陳某陳某官至  
廣東左布政使卒年五十八

翰林脩撰羅公



三才圖會 卷之十  
公諱倫字彛正江西永豐人進士第一慷慨樂善不  
疑人欺遇事無所回避有不可輒面斥人而其滂沛  
之文奇偉之節果敢之氣聞於天下仕成化間官止  
翰林脩撰養病山間卒



吏部右侍郎楊文懿公



公諱守陳字維新浙江鄞縣人進士歷仕景泰弘治間天性孝愛交友篤於信義居常退遜至商確義理論事是非則侃侃剛直人不敢犯官至吏部侍郎卒年六十五贈吏部尚書謚文懿

左 僉 都 御 史 楊 公



公諱繼宗字承芳山西陽城人進士歷仕天順弘治間好善惡惡出于天性與人不苟合人多憚其方嚴忠孝大節議論風采雖庸人孺子皆知其名官至左僉都御史卒年六十三

康齋吳先生



公諱與弼字子傳江西崇仁人收歛身心沉潛義理  
師道尊嚴書字奇古暇則詠物適興習襟高邁至天  
文兵法陰陽易卜無不曉悉天順間徵聘至京除諭  
德辭 詔許還山卒年七十九

李正文公東陽像



李東陽少奇穎 景帝命入京庠天順八年舉進士調庶  
吉士尋克 東宮講讀官弘治二年遷左庶子以次遷至  
文淵閣大學士入內閣正德初 上不親政公與劉健謝  
遷上疏不報二年逆瑾擅權益恣暴尚寶卿崔瑛御史姚  
祥主事張偉皆誣執荷校長安門公力救得戍邊內苑御  
船獵獸上疏諫止三年給事張奎御史張或忤瑾荷校公  
疏救巡撫楊一清逮繫至公又力救是夏有投匿名文書  
疏瑾罪者瑾怒群臣悉治獄公又力救五年又上疏四事  
會張永發瑾奸伏誅論功加特進左柱國



楊 介 夫 像



楊廷和字介夫號石齋新都人十二歲舉鄉試成化戊戌  
進士入館 武宗朝陞南京侍郎轉戶尚以瑾薦 特旨  
還京入閣又深交太監張永辛未子慎廷試第一 世宗  
卽位進少師歷一品俸凡十三載又進少傅尋以議禮忤  
旨爲民然一念忠亦可矢天日隆慶初 詔復官謚文  
忠

許襄毅松皐像



許進字季升號松臯河南靈寶人成化丙辰進士擢御史  
按山東豪事多自按問竟以章疏字訛廷杖又以公事逮  
獄弘治赦出進按察使擢都御史又進尚書改吏部逆瑾  
嫉進以署員外郎再署郎中者爲非制謫令致仕會瑾敗  
復官贈太子太保謚襄毅

吳 匏 菴 像



吳寬字原博號匏菴長洲人中式成化壬辰會試廷試俱  
第一授脩撰侍讀 東宮後 孝皇卽位入閣仍侍 武  
皇於東宮進禮部尚書 慈懿別廟之議至今以爲雄論  
歸里第必步行惜以持正不得柄用

王 海 日 像



王華字德輝號海日餘姚人成化庚子領鄉薦辛丑登進士先是偶書宋朝家法遠過漢唐八事於扇及殿試命是題遂擢第一由翰林歷陞至南京禮部尚書致仕卒年七十七子卽文成公如其爵



費 鰲 湖 像



費宏字子克號鶩湖江西鉛山人十六領鄉薦成化丁未  
進士廷試第一年二十受修撰居官一月得封父母如已  
官正德六年入閣時年四十五九年致仕十六年再召入  
閣在位多所匡正嘉靖六年以議禮不合去贈太保謚文  
憲

新建 伯王 文成 公守 仁



王守仁字伯安餘姚人公少有才名弘治五年與胡世寧  
孫燧同舉鄉試正德初瑾亂政首抗疏乞誅 上怒杖公  
闕下幾死謫貴州龍場驛丞瑾誅陞南京刑部主事十一  
年官巡撫南贛汀漳等處十四年六月宸濠反出圖南康  
九江安慶反顧巢穴公迎戰樵舍縱火攻之大破賊擒宸  
濠內閣大臣素惡王瓊亦忌公久之不賞嘉靖初 詔錄  
公封封新建伯雖 賜爵號竟不與鐵券歲祿至隆慶初  
始復

文 衡 山 像



文衡山諱璧字徵明後更字徵仲長洲人書翰繪畫咸精其能尤熟於國家典故巡撫李克嗣薦於朝尋以邑弟子克貢爲翰林院待詔供奉二年輒引疾而去年九十八而卒門人私謚爲貞獻先生

徐文貞公像



徐文貞諱階字子升號存齋嘉靖癸未進士及第官拜翰林編修執政張孚敬議毀聖像上疏力排 世廟震怒遽有延平之譴尋 命兩淞江西督學未幾以洗馬召還

聖眷日隆後與分宜同立朝蒿于世蕃怙寵專恣政以賄成後蒿父子敗裂始得柄政一洗貪墨風 世廟晚好長生深居西內方士進藥勿効忽欲 幸興都採藥公疏力挽不聽召入公見 天顏凋落長跼不言惟雙淚交頤

上覺中止至大漸復召公入呼曰階視我面公仰觀伏地大慟 上方決策定儲中外寂然安堵 穆宗御極天下



更新實救時之賢相也已而新鄭交惡罷相歸家享年八十  
上遣存問又一年而終祭葬如禮謚文貞子孫受蔭  
凡十一人所著有世經堂集傳世公初在翰林日誦三還  
之語以威福還主上以政事還諸司以賞罰還公論保身  
完名豈無自耶三子曰璿曰琨曰瑛皆官至正卿長孫曰  
元春萬曆甲戌進士官亦至太常正卿子孫繁盛莫非公  
之餘庇也


海忠介像



海瑞號剛峯廣東瓊州瓊山縣人以鄉舉選閩中教授與僚案約我輩教育諸生與郡侯有主賓之道謁見無跪禮明日入郡堂兩齋不覺屈膝公屹然拱立時有海筆架之謠尋陞嚴之淳安令有惠政陞戶部主事疏陳世宗失父子君臣夫婦之倫及齋醮諸闕政忤旨下獄擬坐極刑隆慶改元以恤錄例復原職尋轉通政以僉都御史巡撫南畿首詢民患在淞江湮塞且時值大侵饑民告急上疏請以賑濟米穀及導河夫銀與各院贖鍰開濬吳淞令民赴工就食命下不三月而大工報竣民以爲神先

是民間有謠曰要開吳淞江須是海龍王至是王其議者  
忠介而委任責成者蘇州龍節推松江黃二府適符其議  
云公之初蒞也令小民有售產不明者許直于官奸民不  
體此意妄以遠年交易起訟名曰加嘆有司奉行太過盛  
開告計之門致民間有耕肥田不如告瘦狀之謠言官風  
聞劾罷尋復起爲南操院擢吏部亞卿竟以人言予告卒  
于家謚曰忠介

道統總圖



武王—周公—孔子—子思—孟子—周子

曾子

顏子

程子

程子

呂原明

呂好問

呂祖謙

徐僑

薛定

胡憲

魏掞之

劉勉之

謝顯道

張敬夫

程子

楊中立

胡仁仲

李愿中

朱子

張子

羅仲素

陸子

楊簡

趙復——許衡

輔廣——魏了翁

杜曄——杜範——車若水——黃超然

朱子——黃幹——何基——王柏——金履祥

蔡元定——蔡沉——蔡抗

真德秀



右自伏羲以至周公皆以繫籍聖賢開斯文之統自孔子  
曾子子思至於孟子雖不在其位然獨以其道繫千古之  
脈世世三王之後孟氏沒千四百年惟河南程氏朱氏行  
其傳程氏之後孟氏辭其人間一有之徒傍揣趨口區區說  
精義文公之末其言之未終亦其是謂能傳道也然而無  
有乎爾則亦無有乎爾余故俱列之于圖

傳經圖說

周易孔子——商

——馯臂——矯疵

周堅——孫虞

田何

焦延壽——京房——殷嘉

姚平

孟喜 翟牧

乘弘

孟但

白光

卽黑成

趙賓

戴宗

丁寬 田王孫

施繹

張禹

彭宣

周王孫

魯伯

毛莫如

田何 王同 楊何

邴丹

服生

衡咸

周霸

五鹿充宗 士孫張

衡胡

梁丘賀

梁丘臨

王駿

鄧彭祖

易更三聖謂伏羲文王孔子世歷三古謂伏羲爲上古文王爲中古孔子爲下古而商瞿者孔門七十弟子列也授經爲真其傳自魯燕東武以至于齊田何何故齊王族也漢初例徙關中于是易入中朝自何以上源出於一自何以下流分爲四而施孟梁京之學立矣房或云楊何弟子或云受易焦延壽或云房門人爲梁丘賀然房之學大抵從焦焦嘗從孟喜孟氏四家之外又有高費二家之學高相授毋將水費直授王璜皆無師傳專言灾異相自言出于丁寬石

渠之議梁丘得立博士光武初始立四家博士戴賓  
劉昆爲施氏洼丹安任雒陽鴻爲孟氏范升楊政張  
興爲梁丘氏戴憑隗滿孫期爲京氏劉向以中古文  
易經校施孟梁丘經或脫去無咎悔亡惟費氏經與  
古文同其後又有馬融荀爽鄭玄劉表虞翻陸續王  
弼之屬漢志易有十三家唐七十六家宋一百四十  
家皆周易也連山易已亡周劉炫作偽易十卷歸藏  
易十三篇隋時始出僅存三篇皆無師傳 皇明惟  
朱子本義列于學官而 成祖命儒臣纂脩易經大

全行于世

歐陽和伯—倪寬—歐陽生—某—歐陽

尚書伏生

張生—夏侯都尉—夏侯昌—夏侯勝

曹魯  
曹祉

歐陽欽  
禮震

陳弁  
丁鴻

歐陽高  
歐陽地餘  
歐陽政

朱晉

林尊  
平常  
鮑宣

陳翁生  
殷崇

龔勝

假蒼

秦恭

馮賓

夏侯建

張山拊

鄭寬中

趙玄

李尋

張無故

唐尊

煥欽

夏侯勝

周堪

許商

唐林

牟卿

吳章

孔霸

孔光

王吉



書纂自孔子上斷于堯下訖于秦秦燔書禁學濟南  
伏生獨壁藏之漢興亡失求得二十九篇以教齊魯  
之間訖孝宣世有歐陽大小夏侯氏立于學官然歐  
陽氏八世傳業至光武時歛學大行門生千人又爲  
司徒封侯其書亦遂立為博士東京牟長宋登桓榮  
爲歐陽氏牟融張訓爲大夏侯氏王良爲小夏侯氏  
其後三家皆亡于永嘉之亂而古文之書始行于六  
朝伏書二十八篇孔書五十八篇朱子曰熹嘗疑孔  
書是假書漢志尚書九家唐志二十五家宋志四十

三家 皇明惟尚書蔡沉註列于學官而 成祖命  
儒臣纂脩書經大全行于世

主璜

古文尚書孔安國 都尉朝 庸譚 胡常 徐敖

涂輝

桑欽

古文尚書者出孔子壁中漢武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也共王往入其宅聞鼓琴瑟鍾磬之音于是懼乃止孔安國得其書獻之劉向以中古文校歐陽大小夏侯三家經文酒誥脫簡二文春秋七百餘脫字數十惜其晚出不獲列于學官東京杜林最好之賈逵馬融鄭玄之屬爲作訓解然不經卒從伏氏晉鄭冲又好之以授蘇愉愉授梁柳柳授臧曹曹授梅頤爲豫章內史上其書而有缺典至隋始

備蔡大寶劉炫之屬皆宗之而孔學大行然姚方興  
所上舜典多二十八字識者終不能無疑焉西漢又  
有東萊書百二篇亦僞書平當周敞皆經師共勸留  
之不能得二子之留豈非以中書所校者乃伏氏之  
書不可盡據歟然其篇目有九恭典寶原命肆命與  
書序相照豈亦有可留者不得以樊並之故而廢之  
宋元豐中唐州民家得三墳書晁公武云亦僞書

羽器 秦 師丹 皮容

羽器 秦 師丹 皮容 羽器 秦 師丹 皮容

請認之 伏理

關門慶忌

趙綰

王臧

常賞

魯詩——浮丘伯——申公——

瑕丘江公——常賢——

常玄成

唐長賓

徐公——

王式——

張長安

孔安國

褚少孫

薛廣德

張長安—張遊卿—許晏

王扶

薛廣德—龔舍

賁生

韓詩—韓嬰

趙子—蔡誼

食子公—栗豐—張就

王吉—長孫順—髮福

毛詩——卜子夏——申公——毛享——毛萇——貫長卿

貫長卿——解延年——徐敖——陳俠



古有采詩之官王者所以觀風俗知得失自考正也  
孔子純取周詩上采殷下取魯凡三百五篇遭秦而  
全者以其諷誦不獨在竹帛故也漢世言詩者四家  
齊轅固生傳伏恭任末爲齊詩魯申公傳包咸高詡  
魏應爲魯詩燕韓嬰傳薛漢召馴澹臺敬伯爲韓詩  
荀卿授魯國毛享毛萇傳謝曼卿衛宏賈逵鄭衆馬  
融鄭玄爲毛詩宏作小序時人謂享爲大毛公萇爲  
小毛公齊魯韓三家並立于學官毛詩至漢平始得  
立齊詩亡於曹衛魯詩亡於西晉韓詩內傳亡于隋

三詩旣亡而毛傳獨行蓋大毛公之詩得之申公申  
公得之子夏其說多合于金勝儀禮國語孟子諸書  
自漢晉以至唐宋皆用其說至鄭樵作毛詩辨妄始  
以己意解之朱子集註乃多主鄭玄鄭玄有詩譜歐  
陽公有詩圖皆爲十四國世次而作漢志詩六家唐  
志二十五家宋志五十三家 皇明設學造士專主  
朱子集傳而諸家之學止備參考 成祖命儒臣纂  
修詩經大全行于世

公羊傳

卜于夏  
公羊高  
公羊平  
公羊地  
公羊敢

公羊壽

公羊壽

貢禹——棠谿惠——其都

嚴彭祖——王仲——東門雲

公孫文

主彥

董仲舒——褚太

劉向

胡毋子都——羸公——哇孟——顏安樂——冷豐——馬宮

段仲溫

任公

呂步舒——孟卿——踈廣——筦路——孫寶

公孫弘

左傳

左丘明

魯甲

吳起

吳期

鐸椒

虞卿

孫卿

張倉

賈誼

貫公

張禹

尹更始

翟方進

尹更始

尹咸—劉歆

胡常—賈護—陳欽—王莽

穀梁傳—子夏—穀梁赤—孫卿—申公—轅丘江公

瑕丘江公

子

孫

胡常

蕭秉

榮廣

周慶

丁姓

申章

皓星公蔡千秋

尹更始

尹咸

房鳳

劉向

翟方進

古之王者世有史官君舉必書所以慎言行昭法戒也史記言右史記事事為春秋言為尚書周室既微載籍殘缺仲尼思存前聖之業以魯周公之國史官有法又使子夏等十四人求周史記得百二十國寶書與左丘明據行事仍人道因興以立功就敗以成罰假日月以定歷數籍朝聘以正禮樂作為春秋又以書義有所褒諱貶損不可顯書口授弟子弟子退而異言丘明恐人執所見以失其實因據時事而作傳明夫子不以空言說經也及末世口說流行故



有公羊穀梁鄒夾之傳四家之中惟公羊穀梁立于學官余讀子夏喪服傳乃知公穀之文有所本焉三傳之行公羊獨盛蓋董仲舒公孫弘以春秋顯其後顏嚴二氏之學益廣武帝為之別立顏嚴二博士唐玄宗所謂學開五傳者也穀梁之傳甚寡惟戾太子好之宣帝為立博士亦故劒之意也卒不著東漢謝詠穎容為左氏張玄為顏氏丁恭周澤為嚴氏又有李育何休盛推公羊為作墨守而穀梁寢微矣歷漢魏西晉至南渡始得范武子漢志春秋二十二家唐

志六十六家宋志一百二十九家 皇明惟春秋胡  
安國傳列于學官而 成祖命儒臣纂修春秋大全  
行于世

禮

高堂生

徐牛—徐襄—徐延

公戶滿

桓生

單次

聞人通漢—方梁

戴聖

楊榮

橋仁

蕭奮—孟卿

后倉

戴德

徐良

閻丘卿

慶普

慶咸

夏侯敬

帝王質文世有損益至周曲爲之防事爲之制周衰諸侯將踰法度惡其害已滅去其籍漢興魯高堂生傳士禮十七篇訖于孝宣之世后倉最明戴德戴聖慶普皆其弟子三家立于學官禮古經出于魯淹中高堂生蕭奮孟卿后倉二戴所傳儀禮也戴德傳記八十五篇大戴禮也戴聖傳禮四十九篇今禮記也西漢慶氏與二戴並行東漢止立二戴博士後惟曹褒父子宗慶氏學漢末鄭玄好小戴記爲之注通儀禮周官爲三禮云漢志禮十三家唐志六十九家宋

志六十四家

樂記雜于禮記中凡六家漢興制氏以雅樂聲律世在樂官頗能記其鏗鏘鼓舞而不能言其義武帝時河間獻王好儒與毛生等共采周官及諸子言樂事者以作樂記與制氏不相遠 皇明惟陳澹禮記註列于學官而 成祖命儒臣纂修禮記大全行于世

周禮

劉向

劉歆

杜子春

鄭興  
鄭衆

賈逵  
馬融  
鄭玄

秦用商鞅法政尚酷烈與周官相反故搜禁焚燒獨  
慘至漢孝武開獻書之路是書雖出入于秘府五家  
之儒莫得而見故不立博士成帝詔劉向校錄經傳  
子歆繼之知周禮爲周公致太平之迹始得列序著  
于錄畧而里人河南緱氏杜子春年且九十能通其  
說鄭興與子衆及賈逵往受業焉由是議卽衛次仲  
南郡太守馬季良皆著周禮解詁乃林孝存曰武帝  
知周官末世瀆亂不驗之書故作十論七難以排棄  
之何休亦以爲六國陰謀之書唯鄭玄徧覽群經以

爲經世大法具載周禮故能答林碩之論網羅衆家  
爲之條註陸德明爲之釋文唐賈公彥爲之疏而後  
周禮大行于世

翼奉

江翁

孝經 顏芝 顏貞 長孫氏

后倉

張禹



按孝經自魯恭王得之孔壁皆蝌斗書人無識者孔  
安國以今文考定書之竹簡唐玄宗自註詔元澹為  
疏始立于學官有顏經十八章孔安國傳二十二章  
劉向從顏氏

主吉 張禹

王卿

庸譚

齊論語 二十五篇有問  
王知道二篇

魯論語二十篇

常賢——常玄成

夏侯——蕭望之

夏侯建——張禹

古論語

二十一一篇分充目  
子張問為二篇

孔安國——扶卿

按王充云武帝得論語于孔壁中皆名曰傳孔安國以古論教晉人扶卿始曰論語漢安昌侯張禹受魯

論于夏侯建又從王吉受齊論擇善而從號曰張侯  
論禹以授成帝後漢包咸周氏並為章句列于學官  
古論惟孔安國為之訓解而世不傳漢末鄭玄以張  
侯論為本參考齊論古論而為之注魏何晏又為集  
解梁陳時惟鄭何立于國學 皇明惟朱氏論語集  
註列于學官而 成祖命儒臣纂修論語大全行于  
世

大學

戴聖

程頤

朱熹

中庸

程顥

學庸二書漢小戴輯入禮記四十九篇之中孝宣立  
小戴禮而二書已列于學官至宋二程氏又表章之  
宋孝宗淳熙中朱熹既集註論孟又取大學中庸為  
之章句或問通稱為四書寧宗嘉定四年國子司業  
劉燾奏刊朱子四書于太學由是四書之傳大行于

世 皇明亦惟朱子學庸章句列于學官與 成祖  
命儒臣纂修大學中庸大全並行

陸善經

註七篇

孟子

趙岐

註十篇

孫奭

疏

丁公著

音釋

孟子前史皆在儒家趙岐陸善經為之註張鎰丁公  
著為之音釋至宋始列于經而孫奭為之疏孟子有  
書四篇性善辯文說孝經為政趙岐云偽書也漢

文帝嘗置孟子博士其後王充馮休李遵司馬公林  
慎思鄭原叔之徒與孟子異者凡六家故世儒又有  
翼孟尊孟書 皇明惟朱子所註孟子書列于學官  
而 成祖命儒臣纂修孟子大全行于世

爾雅——周公——孔子——上夏——叔孫通——梁文——

郭璞  
樊光  
劉歆  
孫炎

爾雅舊附孝經六書爲小學之書隋經籍志以附論語類至唐陸德明始以爲周公之書列于經趙岐云孝文嘗立爾雅博士然史漢無徵焉嘗考之前代小學十家古者八歲入小學故保氏掌教國子教之六書謂象形指事會意諧聲轉注假借造字之本也漢興蕭何草律亦著其法曰太史試學以六體試之六體者古文奇字篆書隸書繆篆蟲書皆所以知古今文字摹印章書幡信也古例書必同文不知則闕問諸故老至于衰世是非無証人用其私一皇明太祖

輯洪武正韻一書頒行天下令科試行移一以是書  
爲準

已上諸經傳受圖悉本先儒所論著及歷代立之學  
官掌之博士與儒生共肄習者乃敢叙述其姓氏說  
畧以備後學攷訂